

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱԿՈՒՇԻ ՄԱՐԶՊԵՏ

Ո Ր Ո Շ ՈՒ Մ

15 Մայիսի 2012 թվականի N 45

ՏԱԿՈՒՇԻ ՄԱՐԶՈՒՄ 2012Թ. ԳԱՐՆԱՆԱՅԻՆ ԶՈՐԱԿՈՉ

ԿԱԶՄԱԿԵՐՊԵԼՈՒ ՄԱՍԻՆ

Ղեկավարվելով Հայաստանի Հանրապետության նախագահի 2012թ.-ի ապրիլի 23-ի “2012թ. գարնանային զորակոչ անցկացնելու և զորացրում կատարելու մասին” ՆՀ-97-Ն հրամանագրով, ի կատարումն Հայաստանի Հանրապետության կառավարության 2012թ. մայիսի 3-ի թիվ 539-Ն որոշման պահանջների՝

որոշում եմ.

1. Հաստատել ՀՀ Տավուշի մարզի տարածքային զինկոմիսարիատների զորակոչային հանձնաժողովների կազմերը՝ Իջևանի ՏՀԿ, Դիլիջանի ՏՀԿ, Բերդի ՏՀԿ, Նոյեմբերյանի ՏՀԿ /հավելված 1/:

2. Մարզի տարածքային զորակոչային հանձնաժողովների նախագահներին.

1/ 2012թ. գարնանային զորակոչն անցկացնել սահմանված կարգով մայիս-հուլիս ամիսների ընթացքում հաստատված գրաֆիկով՝ ապահովելով նախատեսված թվաքանակը:

2/ Ժամեկտային զինվորական ծառայության զորակոչից խուսափող Հայաստանի Հանրապետության քաղաքացիների վերաբերյալ նյութերը սահմանված կարգով տրամադրել Հայաստանի Հանրապետության կառավարության առընթեր ՀՀ Ոստիկանության համապատասխան կառուցվածքային ստորաբաժանումներին:

3. Առաջարկել ՀՀ Տավուշի մարզային դատախազությանը /մարզի դատախազ Ա. Մանթաշյան/.

1/ Քննության առնել զինկոմիսարիատների կողմից տրված տարկետումների, զինվորական հաշվառումից և գրանցումից դուրս գրվելու և արտոնություններ տրամադրելու օրինականությունը:

2/ ՀՀ օրենսդրությամբ սահմանված կարգով անհրաժեշտ միջոցներ ձեռնարկել զորակոչից խուսափողների նկատմամբ և իրավասու պետական մարմինների միջոցով հայտարարել նրանց հետախուզում:

3/ Ձորակոչի աշխատանքների հետ կապված մարզի դատախազության գործունեությունը վերցնել անմիջական վերահսկողության ներքո:

4. ՀՀ Ոստիկանության Տավուշի մարզային վարչությանը /պետ Վ. Վարդանան/.

1/ Ապահովել զինակոչիկների անվտանգ տեղափոխումը և հասարակական կարգի պահպանումը զորակոչային տեղամասերում:

2/ Ապահովել մարզի տարածքում և մարզի տարածքից դուրս գտնվող զորակոչիկների որոնումները և նրանց պարտադիր ներկայանալը զորակոչային տեղամասեր:

3/ Ձորակոչի ընթացքում զորակոչիկներին փոխադրող ավտոբուսներին ուղեկցելու համար զորակոչային տեղամասերին կցել ճանապարհային ոստիկանության անձնակազմ:

5. Մարզպետարանի աշխատակազմի առողջապահության և սոցիալական ապահովության վարչությանը /պետ Կ. Դովլաթբեկյան/.

1/ Ջինկոմիսարիատների հետ միասին կոմպլեկտավորել հանձնաժողովները բժիշկ մասնագետներով՝ նախապատրաստելով պահեստային բժիշկներ և անհատական կազմը ներկայացնել ՀՀ առողջապահության նախարարության հաստատմանը:

2/ Ջինկոմիսարիատների հայտով զինակոչիկների \$յուրո /ռենտգեն/ զննում, սոնոգրաֆիկ հետազոտում, ինչպես նաև կանխարգելիչ պատվաստումներ կատարելու նպատակով հանձնարարել մարզի առողջապահական համակարգի բուժկանխարգելիչ հաստատություններին՝ ապահովել անհրաժեշտ քանակով պատվաստանյութեր, ռենտգեն ժապավեններ և երևակման նյութեր:

6. Մարզպետարանի աշխատակազմի կրթության, մշակույթի և սպորտի վարչությանը /պետ՝ Ա. Փաշինյան/.

1/ Հսկողություն սահմանել մարզի հանրակրթական դպրոցներում ուղեգրություն և ֆիզկուլտուրա առարկաների կաբինետները տեսադիտակտիկ նյութերով ապահովելու գործընթացին և դասավանդման որակին:

2/ Ակտիվացնել ուսումնական հաստատություններում անցկացվող ուղեգրությունասիրական միջոցառումները:

3/ Ընդունել ի գիտություն, որ 2012թ. գարնանային զորակոչի ընթացքում, զորակոչային ռեսուրսներն առավելագույնս օգտագործելու նպատակով փոխադրման, ավարտական քննությունները, դիպլոմային աշխատանքների և մագիստրոսական թեզերի պաշտպանություններն ավարտվելու են.

ա/ դպրոցներում՝ մինչև 2012թ. հունիսի 25-ը,

բ/ քոլեջներում, ուսումնարաններում՝ մինչև 2012թ. հունիսի 25-ը,

գ/ բարձրագույն ուսումնական հաստատություններում՝ մինչև 2012թ. հունիսի 1-ը,

դ/ մագիստրոսական և ասպիրանտական կրթություն իրականացնող բուհերում և գիտական կազմակերպություններում պետպատվերի շրջանակներում /տարկետման իրավունքով/ մագիստրատուրայի և ասպիրանտուրայի ընդունելություններն ավարտվելու են մինչև 2012թ. հունիսի 20-ը:

7. Մարզի տեղական ինքնակառավարման մարմինների և կազմակերպությունների /անկախ կազմակերպական և իրավական ձևերից/ ղեկավարներին՝


1/ Քրեական պատասխանատվության կանչված և հետախուզման մեջ գտնվող զորակոչիկների ցուցակներն ստանալուց հետո նրանց նկատմամբ կիրառել աշխատանքային, տնտեսական և այլ ոլորտներում՝ Հայաստանի Հանրապետության օրենսդրությամբ նախատեսված սահմանափակումներ և գտնվելու վայրի մասին անհապաղ իրազեկել իրավասու պետական մարմիններին:

2/ Իրավասության սահմաններում ապահովել Հայաստանի Հանրապետության զորակոչային տարիքի քաղաքացիների ներկայանալը զինվորական կոմիսարիատներ:

8. Մարզպետարանի աշխատակազմի տեղեկատվության և հասարակայնության հետ կապերի բաժնի վարիչ Ա. Մելիքսեթյանին՝ ընդլայնել ռազմահայրենասիրական աշխատանքների լուսաբանումը տեղական և հանրապետական ՋԼՄ-ների միջոցով:

9. Սույն որոշման կատարման նկատմամբ հսկողությունը հանձնարարել մարզային զորակոչային հանձնաժողովին:

10. Սույն որոշումն ուժի մեջ է մտնում ստորագրման պահից:



Ա. ՂՈՒԼԱՐՅԱՆ

2012թ. Մայիսի 15

ք. Իջևան